

Oqaluuserisassanut nassuiaat.

(Inatsisartut Siulittaasoqarfiat)

Nunami namminermit pissutsinut, Pinngortitamut Avatangiisinullu Naalakkersuisup sap. ak. 39-imi ataatsimeeqataasinnaannginnera pissutigalugu Naalakkersuisut Siulittaasuata qinnutigaa immikkoortoq 25-ip Kommunit aquneqarnerat pillugu inatsisissatut siunnersuutip ulloq suliarineqarfissaa allanngortinneqassasoq. Immikkoortoq ullumi siullermeerneqartussaagalarpoq.

Maanna siullermeerneqarnera ulloq 5. oktober, aappassaaneerneqarnera ulloq 26. oktober pingajussaaneerneqarneralu ulloq 9. november pisussanngorput.

Naalakkersuisut Siulittaasuata qinnutigaa immikkoortup 13-ip Oktober 2009-mit september 2010-mut nunani avannarlerni naalakkersuinikkut Naalakkersuisut ingerlatsinerat pillugu nassuiaatip oqaluuserineqarfissaa oktobarip 27-ianit oktobarip 19-anut nuunneqassasoq.

Imm. 19 Kilisalluni aalisarnermi avatangiisimik ajoqusiisarnerit annikinnerulersinnissaannut suliniutinik aallartitseqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut siunnersuuteqartumit tunuartinneqarpoq.

Ullumi ataatsimiinneq eqqarsaatigalugu Inatsisartunut ilaasortat Akitsinnguaq Olsen, Siumut aamma Astrid Fleischer Rex, Demokraatit, akornanni taasisarnerit eqqarsaatigalugit isumaqatigiissuteqartoqarpoq.